

Broj: 01-01-3040/18
Sarajevo, 14.12.2018. godine

Na osnovu člana 90 Zakona o javnim nabavkama BIH („Službeni glasnik BIH“ br. 39/14), člana 4. Pravilnika o postupku direktnog sporazuma („Službeni glasnik BIH broj 90/14), člana 4. Pravilnika o postupku direktnog sporazuma za nabavku roba, usluga i radova u Javnoj ustanovi "Služba za zapošljavanje Kantona Sarajevo" – Sarajevo, broj: 05/1-0545-UO/15 od 30.03.2015. godine, vd direktor donosi

ODLUKU
o izboru ponuđača

Član 1.

Na preporuku Jedinice za poslove nabavke, prihvata se ponuda ponuđača „BHT code“ d.o.o. , od 10.12.2018. godine za nabavku opreme za protivprovalnu i protivpožarnu zaštitu (zaštitu objekata i lica) za potrebe Javne ustanove „Služba za zapošljavanje Kantona Sarajevo“, Sarajevo, za ponudenu cijenu 5.125,00 KM bez PDV-a .

Član 2.

Prijedlog ugovora o nabavci dostavit će se na potpis izabranom ponuđaču „BHT code“ d.o.o.

Član 3.

Za izvršenje Odluke zadužuju se Jedinica za poslove nabavke i Sektor za ekonomske, poslove i trezor.

Član 4.


Ova odluka stupa na snagu danom donošenja i objaviće se na web stranici JU "Služba za zapošljavanje Kantona Sarajevo" Sarajevo.

Obrazloženje

U cilju izvršavanja redovnih poslova i zadataka Jedinica za poslove nabavke je pokrenula predmetnu nabavku u skladu sa Planom javnih nabavki za 2018. Godinu i zahtjevom Sektora za opće, zajedničke i pravne poslove. Jedinica je poslala zahtjev za ponudu ponuđačima BHT code doo, Seccom doo, i Imperium doo te ponudu ponuđača BHT code doo smatra najpovoljnijom,

Dostaviti:

- Jedinica za poslove nabavke
- Sektor za ekonomske poslove i trezor
- Evidencija
- a/a



UGOVOR
o nabavci opreme za protivprovanu i protivpožarnu zaštitu
(zaštita objekata i lica)

zaključen je u Sarajevu dana _____ između

1. Javna ustanova „Služba za zapošljavanje Kantona Sarajevo“ Sarajevo, ulica Đoke Mazalića broj 3, zastupana po v.d. direktoru Bekto Muhamedu (u daljem tekstu: **Naručilac**)
Telefon: 033/569-135, faks 033/204-177
Identifikacioni broj: 4200304610003
Poreski broj: 01079085
Transakcijski račun: 1540012000135120 otvoren kod Intesa Sanpaolo Banka d.d. Sarajevo

i

2. „BHT code“ doo, ulica Zije Krajine broj 26, Hrasnica, zastupana po direktoru Hošić Tariku (u daljem tekstu: **Izvršilac**)
Telefon: 033/626-468 i Mob: 061/944-221
Identifikacioni broj: 4201750360009
PDV: 201750360009
Žiro račun: 1401011120024889 otvoren kod Sberbank BH dd Sarajevo

I – PREDMET UGOVORA

Član 1.

Predmet ovog ugovora je nabavka opreme za protivprovalnu i protivpožarnu zaštitu (zaštitu objekata i lica), provedena putem direktnog postupka, a prema stavkama navedenim u specifikaciji koja čini sastavni dio ovog Ugovora, u skladu sa cijenama, vrstom i kvalitetom navedenim u ponudi Izvršioca, broj: 18-0100-000245 od 10.12.2018. godine.
Isporuka se sastoji od opreme i količine navedene u ponudi Izvršioca, broj: 18-0100-000245.

II – CIJENA

Član 2.

Ukupna cijena predmetne nabavke bez uračunatog PDV-a iznosi 5.125,00 KM (pethiljadastotinudvadesetpet i 00/100).
Cijene opreme su pojedinačno sadržane u ponudi Izvršioca i iste se ne mogu mijenjati.

III – USLOVI I NAČIN PLAĆANJA

Član 3.

Plaćanje isporučene količine opreme koja je predmet ovog ugovora, vršit će se u roku od 7 (sedam) dana od dana ispostavljanja originalne fakture, sa obostrano potpisanom otpremnicom, isključivo u kvaliteti i vrsti navedenoj u ponudi Izvršioca.

Faktura će se ispostaviti na adresu Naručioca: Javna ustanova „Služba za zapošljavanje Kantona Sarajevo“ Sarajevo, ulica Đoke Mazalića broj 3, Sarajevo.

IV – ROK I MJESTO ISPORUKE

Član 4.

Isporuka opreme iz stava I ovog ugovora realizovat će se u skladu sa prihvaćenom ponudom, u roku od 7 (sedam) dana od dana potpisivanja ugovora, a ista će se isporučiti na adresu Naručioca: Javna ustanova „Služba za zapošljavanje Kantona Sarajevo“ Sarajevo, ulica Đoke Mazalića broj 3, Sarajevo.

V – GARANTNI ROK

Član 5.

Garancija za isporučenu opremu iz stavke 1., 2., i 3. ove ponude je 12 (*dvanaest*) mjeseci, a za opremu iz stava 4. ove ponude garancija je 24 (*dvadesetčetiri*) mjeseca od momenta isporuke opreme.

Prodavac se obavezuje da će za vrijeme garantnog perioda za isporučenu robu, po reklamacijama Naručioca, u slučaju bilo kakvih manjkavosti, o svom trošku u roku od 7 (sedam) radnih dana, od dana prijema reklamacije napraviti odgovarajuću zamjenu količine i vrste tražene opreme.

VI – KVALITET

Član 6.

Oprema koja je predmet ovog ugovora će biti isporučena u skladu sa prihvaćenom ponudom, odnosno zahtjevima iz tenderske dokumentacije.

Ni pod kojim uslovima ne smije doći do odstupanja u kvalitetu, odnosno do isporuke druge vrste opreme u odnosu na prihvaćenu ponudu.

VII – PENALI

Član 7.

U slučaju kašnjenja u isporuci opreme koja je predmet ovog ugovora, a do koje je došlo krivicom izabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupne ugovorene vrijednosti opreme koja je predmet ovog ugovora. Izvršilac je dužan platiti ugovorenu kaznu

u roku od 7 (sedam) dana od dana prijema zahtjeva za plaćanje od strane Naručioca. Ugovorna kazna neće se naplatiti ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti.

VIII – RJEŠAVANJE SPOROVA

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


IX – ZAVRŠNE ODREDBE

Član 9.

Ovaj ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva).

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke.


IZVRŠILAC
„BHT code“ doo



Tarik Hošić, direktor

NARUČILAC

Javna ustanova
„Služba za zapošljavanje Kantona Sarajevo“
Sarajevo



v.d. Direktor, Muhamed Bekto
07.09.2018. 3102/18
12. 2018. 9

